

## SKUPŠTINA HERCEGOVAČKO- NERETVANSKOG KANTONA

175

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98, 4/00 i 7/04), Skupština Hercegovačko-neretvanskog kantona je na sjednici održanoj dana 29.05.2015. godine, donijela

### Z A K O N O IZMJENAMA I DOPUNAMA ZAKONA O SUDSKIM TAKSAMAMA S TARIFOM

#### Član 1.

U Zakonu o sudskim taksama s tarifom („Službene novine HNK“, broj: 4/09 i 2/13), član 4. mijenja se i glasi:

#### „Član 4.

(plaćanje takse i preduzimanje radnji u postupku)

(1) U slučaju da stranka sudu dostavi podnesak bez dokaza o plaćenju taksi, sud donosi rješenje iz člana 19. ovog Zakona.

(2) Sud će postupiti na način utvrđen u stavu (1) ovog člana i u slučaju kad odbije zahtjev za oslobođenje od plaćanja takse.

(3) Neplaćena sudska taksa ne zadržava tok postupka.“

#### Član 2.

U članu 7. stav (2) mijenja se i glasi:

„(2) Propise o emitiranju i distribuciji sudskih taksenih maraka u visini do 50,00 KM (slovima: pedeset konvertibilnih maraka) za područje Hercegovačko-neretvanskog kantona donosi Vlada Hercegovačko-neretvanskog kantona, na prijedlog Ministarstva finansija Hercegovačko-neretvanskog kantona.“

Iza stava (2) dodaje se stav (3) koji glasi:

„(3) Rok za donošenje propisa iz stava (2) ovog člana je 60 dana od dana stupanja na snagu ovog Zakona.“

#### Član 3.

U članu 9. stav (1), iza tačke „i“ dodaje se nova tačka „j“ koja glasi:

„j) logoraši i žrtve teških kršenja međunarodnog prava i ljudskih prava i ozbiljnih povreda međunarodnog humanitarnog prava u postupku ostvarivanja prava na reparaciju.“

#### Član 4.

Član 19. mijenja se i glasi:

„(1) Iznos takse koju je takseni obveznik dužan da plati, obračunava sudija, odnosno stručni saradnik koji vodi postupak donošenjem rješenja kojim se stranka obavezuje da taksu plati u roku od osam dana od dana prijema rješenja.

(2) Protiv rješenja iz stava (1) ovog člana dozvoljena je žalba u roku od osam dana od dana prijema rješenja.

(3) Izjavljena žalba ne odlaže izvršenje rješenja iz stava (1) ovog člana.

(4) Kontrolu naplate takse vrši sudija odnosno stručni saradnik koji vodi postupak.“

#### Član 5.

Član 31. mijenja se i glasi:

„(1) Ako takseni obveznik ne plati taksu u roku iz člana 19. stav (1) ovog Zakona, taksa će se naplatiti u skladu s federalnim Zakonom o izvršnom postupku.

(2) Postupak za naplatu neplaćene takse pokreće pred nadležnim sudom Kantonalno javno pravobranilaštvo na osnovu dostavljenog rješenja suda i obavještenja o neplaćenju taksi.

(3) Izuzetno, ako je takseni obveznik pravno lice i ako se utvrdi da je to efikasan način osiguranja naplate, sud će rješenje i obavještenje o neplaćenju taksi dostaviti banci kod koje pravno lice ima račun, radi naplate takse.“

#### Član 6.

Iza člana 31. dodaje se novi član 31.a koji glasi:

#### „Član 31.a

(postupanje s neplaćenim sudskim taksama kod kojih nije nastupila zastarjelost)

O svim neplaćenim sudskim taksama po službenim evidencijama suda, kod kojih nije nastupila zastarjelost, sud je dužan obavijestiti Kantonalno javno pravobranilaštvo, radi pokretanja postupka prinudne naplate.“

#### Član 7.

Ovaj Zakon stupa na snagu osmog dana od dana objavljivanja u „Službenim novinama Hercegovačko-neretvanskog kantona“.

#### Član 8.

U Tarifi sudskih taksi DIO PETI. UPIS U SUDSKI REGISTAR, Tarifni broj 19 (taksa za podneske) tačka (1) mijenja se i glasi:

„(1) Za prijavu u sudski registar plaća se taksa u iznosu od 35,00 KM.“

## Član 9.

U Tarifi sudskih taksi DIO PETI. UPIS U SUDSKI REGISTAR, Tarifni broj 20 (taksa za upise u sudski registar) tačke (1), (2), (3), (4), (5) i (11) mijenjaju se i glase:

„(1) Za rješenje o upisu osnivanja privrednog društva plaća se taksa u iznosu od 300,00 KM.

(2) Za rješenje o upisu osnivanja dijelova privrednog društva plaća se taksa u iznosu od 100,00 KM.

(3) Za rješenje o upisu osnivanja drugih pravnih lica koji nisu navedeni u stavovima (1) i (2) ovog tarifnog broja, plaća se taksa u iznosu od 200,00 KM.

(4) Za rješenje o upisu lica ovlaštenog za zastupanje pravnog lica, plaća se taksa u iznosu od 100,00 KM.

(5) Za rješenje o upisu prava vršenja vanjskotrgovinskog prometa, plaća se taksa u iznosu od 250,00 KM, pored iznosa iz stava (1) ovog Tarifnog broja.

(11) Za žalbu na rješenje doneseno u postupku upisa u sudski registar, plaća se taksa u iznosu od 100,00 KM.“

## Član 10.

U Tarifi sudskih taksi DIO SEDMI. POSEBNI SLUČAJEVI, iza Tarifnog broja 27 (taksa za prijepise) dodaje se novi Tarifni broj 27.a, koji glasi:

„Tarifni broj 27a

(taksa za izdavanje jedinstvenog pristupnog koda – JPK-a)

(1) Za podnesak kojim se traži izdavanje jedinstvenog pristupnog koda za uvid u predmete, plaća se taksa u iznosu od 4,5 KM.

(2) Za izdati jedinstveni pristupni kod, plaća se taksa u iznosu od 5,00 KM.“

Bosna i Hercegovina  
Federacija Bosne i Hercegovine  
HERCEGOVAČKO-NERETVANSKI KANTON  
S K U P Š T I N A

Broj: 02-01-VII-140/15  
Mostar, 29.05.2015. godine

P R E D S J E D A V A J U Ć I  
Šerif Špago, s.r.

## 176

Na osnovu člana 39. Ustava Hercegovačko-neretvanskog kantona („Službene novine HNK“, broj: 2/98,4/00 i 7/04) Skupština Hercegovačko-neretvanskog kantona je na sjednici održanoj 29.05.2015. godine, donijela

**Z A K O N**  
**O TRŽIŠNOJ INSPEKCIJI U**  
**HERCEGOVAČKO-NERETVANSKOM**  
**KANTONU**

## I. OPĆE ODREDBE

## Član 1.

Ovim Zakonom uređuje se inspeksijski nadzor nad izvršavanjem zakona, drugih propisa, općih i pojedinačnih akata, normativa i standarda koji se primjenjuju na rad i poslovanje poduzeća, samostalnih radnji i drugih pravnih i fizičkih lica u oblastima proizvodnje, prometa roba i prometa usluga: ugostiteljskih, turističkih, zanatskih, intelektualnih, agencijskih i drugih usluga, autorskih prava i drugih oblika samostalnog privređivanja na teritoriji Hercegovačko-neretvanskog kantona (u daljem tekstu: Kantona), kao i ovlaštenja i dužnosti inspektora u vršenju inspeksijskog nadzora.

II. DJELOKRUG I UREĐENJE TRŽIŠNE  
INSPEKCIJE, TE USLOVI ZA OBAVLJANJE  
INSPEKCIJSKIH POSLOVA

## II.1. Djelokrug tržišne inspekcije

## Član 2.

- (1) U oblastima tržišna inspekcija kontrolira:
- a) način i uslove obavljanja privrednih djelatnosti na domaćem tržištu ako posebnim zakonom nije određena nadležnost drugog organa državne uprave;
  - b) obavljanje zanata, ako zakonom nije određena nadležnost drugih organa državne uprave;
  - c) zaštitu potrošača;
  - d) cijena proizvoda i usluga, naknade, takse (osim upravnih i sudskih) pretplate i druge slične naknade koje se zaračunavaju po propisu;
  - e) kvalitet proizvoda;
  - f) valjanost žigova i isprava o ispravnosti mjerila, te ispunjenja mjeriteljskih zahtjeva za pakiranje;